



Fr. Ruth Heilmann, Inatsisartunut Ilaasortaq
c/o Inatsisartut Allattoqarfiat
Maani

§ 36-mut apeqqummut nr. 2010 - 010 Polaroil A/S-ip nuutinniarneqarnera pillugu akissut

Inatsisartut suleriaasiat § 36 imm. 1 naapertorlugu 12. januar 2009-mi Naalakkersuisunut Polaroilip Sisimiunut nuutinneqarnissaa pillugu apeqquteqaateqarputit.

Matumuuna apeqquteqaat akineqassaaq.

Apeqqut:

Apeqqutigerusuppara suna tunngavigalugu suliffeqarfiit pisortanit ingerlanneqartut pisortaqaarfiit Maniitsumiittussanngorlugu inissinneqaraluartut sooq illoqarfinnut allanut nuussorneqarnersut, soorlu aamma Greenland Venture 2009-mi illoqarfimmut allanut nuunneqarsimasooq?

Aammalu tusarpara Polaroil aqqaneq marlunnik sulisulik Maniitsumiit Sisimiunut 2010-p ingerlanerani nuunneqassasooq. Taamaattoqarpallu tamanna sumit tunngaveqarpa?

Akissut:

Naluneqanngitsutut Namminersorlutik Oqartussat tamakkiisumik ilaannakortumilluunniit aktianik piginneqatigiiffinnik 16-nik piginnittuuvooq, taakkununga ilaavoq KNI A/S 100 %-mik pigineqartoq.

Tamakkununga aktianik piginneqatigiiffinnut tunngatillugu aktianik piginneqatigiiffiit pillugit inatsisunik malittarisassaqaarpoq, suliassat aktianik piginnittut siulersuisullu akornanni agguataarneqarnerat aaqqissuussaalluni. Siulersuisut piginneqatigiiffiup qullersaqarfianut aalajangersaalluni najoqqutassiissaaq sapinngisamik suliffeqarfiup pitsaanerpaamik ingerlanneqarnissaa siunertaralugu, piginneqatigiiffiup suleriaasissaanik aaqqissuilluni, qullersaqarfimmi atorfinitsitsinerit il. il. aktianik piginnittup, tassa Namminersorlutik Oqartussat, ataatsimeersuarnermi taasisinnaatitaanini atorlugu periarfissaqaarpoq siulersuisunut ilaasortanik toqqaasinnaatitaalluni soraarsitsisinnaallunuunniit isumalluarfigisaminik pakatsisitaaguni.

Piginnittoq, Namminersorlutik Oqartussat, KNI A/S-mik piginnittut piginneqatigiiffiup ingerlatsineranut tunngasunik qanoq aalajangiisoqassanerani **peqqusisinnaanngilaq.** Tamakkua aalajangiinerit siulersuisut qullersaqarfiullu isumagisussaavaat, taamaaliornikkullu tunngaviatigut periususartoq suliffeqarfinni

22. januar 2010
Sagsnr. 2010-024578
Dok. Nr. 290369

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@gh.gl
www.nanoq.gl

ingerlatsineq pillugu aalajangiinerit tamakkiisumik politikikkut sunniisinaanerup pinaveersaartinnissaa anguneqassalluni.

Naalackersuisut ulluinarni suliffeqarfimmik aqutsinermik ingerlatsinermik ingerlatsisuunngimmata, suliffeqarfiup siulersuisuinut illit apeqqutitit pillugit saaffiginnippugut.

KNI A/S-p siulersuisui aamma qullersaqarfia ukiakkut 2009-mi ukiunut tallimanut aningaasaqarnermut periusissaq- aamma iliuusissatut pilersaarut pillugit Naalackersuisunut saqqummiussipput, tassani pilersitsiniaanerit suliniutillu arlalippassuit allaaserineqarlutillu nassuiarneqarput. Taakkunani suliniutit ilaatigut ilagivaat oliaatileqatigiit Polaroil Sisimiunut nuunneqarnissaa tassaniillunilu suliffeqarfissuup KNI-p suliffeqarfiutaasa ilaat tamarmik. Taamatut aalajangertoqarnera Naalackersuisut tamakkiisumik taperserpaat, ukiunnarmut 1 mio. kr. tungaannut sipaarutaammata annertuumik ingerlatsinerup iluaqutissartai aqutisullu iluminni qanittumik oqaloqatigiittarnerisigut.

KNI A/S ukiuni arlalinni pitsaavallaanngitsumik angusaqartarsimanerata kingunerisimavaa nukissiuuteqarnermut- aamma niuertarfiuteqatigiinnermilu iluarsartugassanik kingulerussisimanera. Taamaamat piginneqatigiiffiup niuertarfeqarfii iluarsartuussiffiqarsimangillat KNI A/S-lu tamaakkiisumik isigalugu aningaasaqarnerata pitsanngorsarnissaa pisariaqarpoq.

KNI A/S-mi siulersuisut aamma Polaroil-ip pisortaa, nuutitsinerup sulisorisanut qanoq sunniuteqarsinnaanera annertuumik ukkatarisimavaa. Sulisut taakkua qulit pineqartut qassit Sisimiunut nuunnissamik kissaateqarnersut paasiniaarlugu attavigineqarsimapput. Sulisut tamarmik nooqataanissaannik KNI A/S-milu suliinnarnissaannik neqeroofiqarsimapput. Paasineqarporlu periarfissamik matuminnga tamarmiunngitsut kissaatigigaat.

Naalackersuisut ersarissumik isumaqarput nuna aningaasanik atorfissaqartitsitillugu piffissami matumani sipaarniutissat pisariaqartut ingerlanneqartariaqartut aamma Maniitsoq Sisimiullu marluullutik kommunerujussuup ataaniimmata, Qeqqata Kommuniata ataatsimut isertitai annertuumik ajorseriarnaviangitsut.

Inussiarnersumik inuulluaqqusilluta

Med venlig hilsen

Kuupik Kleist